

عتاب الزهراء - ذكرى وفاة الزهراء عليها السلام - 2011/4/15 - يوسف يعقوب

داحي الباب      ياليث الحريه  
اسمع عتاب      من جرح المصبيه

\*\*\*\*\*

مدري تدري      لو مادريت بحالتي  
رحت انخي      وما حد يابي دعوتي

وجيت مهضومه وتجري دمعة العين  
دنهض وطالب بحگي يا أبو حسين

گلبني نيران      واحوالي عصيه  
والله ضاگت      هالدنيا الرحيه

\*\*\*\*\*

اعتب اعليك      وسفه يطاعون الحرب  
ضلعي ينصاب      وحگي مني ينسلب

لايذه بظلك يكهفي يا ابو تراب  
وتالي ضلعي ينكسر من صاير الباب

يا أبو حسين      أفعالك عجيبه  
تهمل العين      يا سبع الكتيه

\*\*\*\*\*

شال سبب گول      يا حيدر عندي تصد  
وانته تنظر      بالسوط ورمني العبد

من شطر مرحب بسيفه وخاض لهوال  
ومن جلى ذيج الكتايب يوم لنزال

فوگ لعتاب      ودمومي سكيه  
ما تجيني      يا حيدر غريبه !؟

عتاب الزهراء - ذكرى وفاة الزهراء عليها السلام -2011/4/15 - يوسف يعقوب

لله شـكواي                      من فعلة اصحاب الغدر  
شـلون أصـبر                      وگليبي نيران وجمـر

طايحه وتسمع ونيني فوگ لعتاب  
اصرخ بحسره ولا منك لفي اجواب

حايره اليوم                      مرتاعه وكئيبه  
احمل اهموم                      واحوالي رهيبه

\*\*\*\*\*

وين سيفك                      سله يراعي المرجله  
وين عزمك                      خل المدينه زلزله

من صغر سنك ييو الحسنين جيدوم  
غوث كلمن يستغيث وتجلي لهموم

شـلون تصبر                      وحقوقي سايبه  
ضـاع ورثي                      ويا هو اللي يجيبه

\*\*\*\*\*

ييو الصولات                      تدري يغوث الموزمه  
گلابي آهات                      والحال وحدك تعلمه

آه يـبـل المتين شـلون گـادوك  
بالـبل للبيعه مرغم وسفه ودوك

تدهش البال                      هالحالة المريبه  
تدمي گلابي                      وهم راسي تشيبه